

Morgon på Kobbeskjeret

Morgon på Kobbeskjeret
morgon for frie menn.
Takk for det fine veret
høgt opp i himmelen!

Måsen sin frukost veidar,
gauken i lia gjel.
Sjølv sit eg lur og seidar
over ein koparkjel.

Måsen har sitt i vente:
spralande sild i stål.
Eg har ei vakker jente
innfor mitt siktemål.

Urter i kjelen osar,
røyken mot målet dreg,
lokkar so fin, og losar
jenta den rette veg.

Kanskje ho nett no kjenner
angen av alt som gror,
den som dei viser menner
førde der fram dei for?

Oppfyll på same måten
kallet som når deg no!
Salv deg, hiv deg i båten,
bind opp ditt skjørt og ro!

Nyvaska, fin og fjelga
kjem du med sjø for stamn.
Namnet ditt vere Helga,
helga i Herrens namn.